

Pirimon+hopi Utipiho Kimandi Pirimon+hom Utipi+mandapi Nesipi+hande

Pirimon+ho so aunah+pati Korosihandaahap+hore. Iyataati ko kahapaamapi+pa api+paahi asaketahore. Siyahondaahandi kandi ko Autaahaat+hopi gi+wunyaahore. Iyataati ko Pirimon+ho so Por+hom+ otipi+pati+hiyaami wom+ amb+pati Onesimaasihomi naisoho akohore. Aih+ ko Onesimaasiho Pirimon+hoai maar+ho biyati namunyati koai usesi yan+h+mataise. Siyati yan+h+mas+h+ ami is+hiya usa koai usonawaawi nepi koai napw+top+pi+h+ napuhauhi napundataise. Kon+h+ napundih+ Por+ho koai usonataise. Usonataati koai Awais+ho Jisasi K+raisihomi pi+w+ha kaundati nunjataise. Aih+ ko Onesimaasiho pi+w+ha atisati neti gi+wunyaataati noaipati Awais+hom+hoematataise. Por+ho gw+inyaataati Onesimaasiho jap+h+ not+ Pirimon+hoai iwinjahon+h+ maar+ho naasoh+tan+h+ maasi napaisaati bim+taat+m+handapi Por+ho utipi+handi kimandi kaundati jipati+piyahande. Por+ho Rom+handi napw+itati bindataati k+inaungw+ha 60 A.D. hura kimandi utipi+mandi jipati+piyahande. Ki+ma pi+w+imaami nap+masaati yat+hepi w+indi ah+imaayo, owetise. Sandi apaapi+maahe, kimandi utipi+mandami pi+w+ha w+indi utaar+haametati nuh+haatihe. Isi pi+w+ha nuh+haasi kaami mit+ho yiyandi+h+ ahiyoti+ha

awitapaapi keti gihunyaatati nangesipatitaise.

*Kimo Utipihho Porihho Pirimonihopijipatipiyat
Nusoaasisihore*

¹ Ninini Porihonini Kiraisi Jisaasihomi otipipatapi naanihaiwa neti napwitiiti bimohihoninithi ami nyami naisoho nyamatiyati Kiraisihopi gihunyaati komi otipipati kawisihho Timotehotihi utipihho kimo jipatipiyaha nusoaasahaayo kinyi Pirimonihonj nyami naisohonj Kiraisihomi otipipati nyangisapi maasi kaingihonyapo. ² Iyaha ami yahuraanyami naisaamaati Apiyaahaatapuni ami Arikipusiho Autaahaatihomi pwisipi yaipati neti isiwatata kapaaraahi nyamihihooanapi otipipati nyangisati maasi kaisihopuni ami Autaahaatihomi ishiya Kiraisihopi gihunyaahohiyihiya kinyi anjipipih napiw gisoniw maasi Autaahaatihomi ambipati niwimaapi bimohiyihiyaapun jipatipiyahaayo.

³ Isi nyami Apihho Autaahaatihouni ami Awaisihho Jisasi Kiraisihouni sangisi gaahati kasimi jatatamasaihi sami maarihho napaisaatitanhi bimaawise.

*Pirimonihho Gaahati Kaihi Porihho
Maaritindihandapihaare*

⁴⁻⁵ Nahatewetini Autaahaatihopi gaapundataahura kinyapimaawi gihunyaati ami otipipati gaahati kinyi kaingitihandapi Autaahaatihoi kinyi gaahone gaare undataato. Ninini saindi kiyohitimandi apaapimaahae. Kinyi Kiraisihoi maarihho baimbi nunyapi

ami kopî gwunyaapi ami ishiya Autaahaatîhomîhiya nahatiyaisî maarîho napaitîpî numwingîtîhandapî ishiya nahatewetî siyahoe siyahoe ndauhî atisataate. ⁶ Kînyî nyamataimbî Jisasi Kîraisihopî gwunyaahingîtîhandaahî tîmaamaitaatî naisîhiyaanimatîhaayo. Aihî nîni sandapî Autaahaatîhopî gaapundataayo Kîraisihopî gwunyaawaatî koaisaatî maasî tîmaamaitonîhî ko gwînyaitîhaahaiwa gaahaiwa nyangi nanyamiwaiwa Autaahaatîho netî waatî gwînyunyaahonîhî waatî nyangisî gwînyunyaatîtando. ⁷ Nisî naisohonî nisataimbî Kîraisihopî gwunyaahingîhonye, kînyî Autaahaatîhomî ishiya nahatiyaisî maarîho napaitîpî numwingîtîhandapî nîni waatî maaritîtî ami nisî maarîho biyatî nga wînitîhatî kiyapaise. Saimbî kiyaisî maarîho numwingîtîmandî kiya Autaahaatîhomî ishiya maaritîtaatîwîhatî gaahatî kînyî kiyapaise.

Pirimonho Onesimaasihoai Nisî Naisohone Undatî Japîhî Numwaitandîhandapîhaare

⁸ Kînyî kîmandî kaitaapî nîni gwînyaataatî Kîraisihomî ambîpataahî kahîtîtandiyonî kaitaape. O ami kînyî gaahaiwa kaingîwaiwaapaahî aimî mmonîtî gwînyaatîhonîne. ⁹ Isî nîni saimbî kaime ndî watîpîndî kahîtataamaato. Owe. Nehî saimbî kaime ndî nangîsenîtî napaisaatî kahîtataato. Nîni Porîhonîni Kîraisî Jisaasihomî pîwîha nesi kandunjohîhonîne. Aihî nîni saindî Kîraisihomî pîwîha awusoahohîtîhandapî wanî kîmura nîni yaasatî naanîhaiwa netî

napwitiiti bindataayo. ¹⁰ Aihii nini gisi nangiseniiti kahitataato kinyi nisi maasihho Onesimaasihoai ahosumwapo pohipiimaawimbi gaahati kawimbi numwaitaapo. Onesimaasiho so nini napwitiiti bimonihhi ko nasati ningisi nisonataise. Aihii nini koaisi Kiraisihomi piwaha kandunjonihhi ko atisati akitinihhi Kiraisihopi giwunyaasithandaahi nisi maasihho akohore hititi kahitataato. ¹¹ Jihhi ko Kiraisihopi sangi giwunyaasura kinyi otipipati biyati nga windi kamaahise. O ami wani kimura giwunyaasurimura gisuni ami ningisuni anditinyiwati nyatatamanati otipipati nga kaitaise.

¹² Aihii nisi maariho komiheti ahotihii kinyapi koenda japihi numwe unditi nandusaasonihii wani nasataise. ¹³ Nini Kiraisihomi piwaha gaaha wanihaapi yaasati naanjhaiwa neti napwitiiti bimohurimura koaisi saunditi, kinyi Pirimonihomi aunahipati nepi ningisi nitatamanipi anditinipi otipipati kimbihii ningisapi bindapaapi kaime unditi nimbipuwitihati kati owe. ¹⁴ Kinyi ningisi nitatamanipi anditiniwitaapi watipindi kandaamaato. Owe. O ami kinyi ningisi nitatamanitaapaahi ami kinyi kiwahonji gwunyaahingirihireti kaimbi nitatamanitaape. O ami kinyuni ami ninuni maariho naasohitanihii gaasi siyaha kaitihaawo nihaawaahi ami kira kaitihaawe.

¹⁵ Sandi siyati noaipataise. Onesimaasiho masihonji gisi nangimataise. Isi kinyi koaisi japihi numwaape ko gisati maasi

apipaahi konihi bimitando. ¹⁶ Wani kimura kopî nisi nehi otîpîpatiho nawîho nameti otîpîpatî kanisîhoe tipî windî kinyî usonîpî gîmunyaape. Owetane. Iyataati amî ko kinyî nehi otîpîpatîhondaahandî kandî koaisî kinyî baimbî akîtinîhi maarîho nunye. O ninîhi ko Kiraisihopî gîwunyaasîthandaahi nisi naisoho akohore ndî gwînyaati usonataayo. Isî amî gisangi ko nisi nehi otîpîpatiho nawîho namehati kanisahoe tipî usondaise. Iyataahandî kandî Kiraisihopî ko gîwunyaasîthandaahi nisi naisoho akohore tipî usonîpî maarîho napaitîpî numwitaape.

¹⁷ Isî kinyî nisapî koaisîha Kiraisihomî otîpîpatî maasî tîmaamaitîha kiyohîhoe tipî nisonîpî gwînyaapaapaahi Onesimaasihoai japîhi maaritîpî numwaape, amî nîngisangi naasîkatî kaimbî maaritîpî nanîmaitatambo.

¹⁸ Iyataati amî ko kinyî wapa netî nangosasati amî wapa nangehonaahi ko nangetî amî nangosasimbîpaapi windî namaahîmitaisî gaasî ninî kapaapi nahîmitaanî nisi ambîpatî ahiyapînose.

¹⁹ Ninî Porîhonîni tîtîhi nisi ikwîraahi jîpatîpainsî gisî sandî kahîtataato: Ko kinyî wapa nangetî amî nangosasonaahi amî kapaapi ninî nanîpimatîhapa nahîmitaano hitataato. Iyataati ninî nga gisî sahîtîti kahîtataataahi tîthe nisi otîpîpataahi Autaahaathomî pîwîha kahîtonîhi kinyî Kiraisihopî gîwunyaapi asîtimatîtaapîhandî nepîhonîso. ²⁰ Isî nisi naisohone atînime. Awaisîhomî ambîpataahi ninî kahîtohîma atîmbî kaime. Sandî yahuraanjî

Kiraisihomihuraanisi kinyi katohirihireti atimbi kiyapaapaahi nisi maarho biyati winititaise.

²¹ Nini piwaha kima kahititi jipatihiyohima ko nisi kaundorihireti japepilirati kaitaiso ndi bairidi gwinyaataati kahititi jipatihiyataayo. Onesimaasihoai gaahati kawimbi gerundihi jipihhi numwaapaapaahi nini gisi saimbi saimbi kaimehititi nangiseniti kahitohiwimaiwa nusatipihapai waati kaitaise. ²² Ami kinyi saimbi kiyapaapi ami anaanji waaji nisapi nepi nimane. Sandi katotimandi Autaahaatihohi kiyaami gaapundotihandi atiwisati ningisi neti natanoaasonihhi gisenda napito ndi waati gwinyaataati kasatataato.

Isihiya Porihoisawi Maasi Otihipati Kiyohiyihiya Pirimonihohi Ipihirete Undawaatopo

²³ Epapiraasiho gisi ipihirete hitataase. Ami ko ningisati maasi napwitiha bindihaayo. Iyaha maisihoaanyangi ami Kiraisihomi piwaha ausaahohitihandapinyatiwi nepi nanyapuhauhi napwitiha bindihaayo. ²⁴ Ami ningisawi maasi Kiraisihomi otihipati kiyohiyihiya Maakihohi ami Arisitakusiho ami Demaasiho ami Rukihohi siyaari gisi ipihirete hitawaatopo.

²⁵ Jisasi Kiraisihohi gisi komi gaahandi kahisati nahinyane.

Autahaatihomi Piwaha Gaaha Wanaha
The New Testament in the Angaataha language of
Papua New Guinea
Nupela Testamen long tokples Angaataha long Niugini
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

PDF generated using Haiola and XeLaTeX on 21 Feb 2024 from source files dated 31 Aug 2023

b83b4d2c-30be-5f11-8fb0-fa04e4808bad